

司空表聖

詩集

四部叢刊初編集部

上海商務印書館縮印海鹽
張氏涉園所藏唐音統籤本

戊籤七十四

唐音統籤卷七百四

司空圖字表聖河中虞鄉人咸通末擢進士第繇
宣歙幕歷禮部郎中僖宗行在用爲知制誥中書
舍人知天下必亂歸隱中條山王官谷龍紀乾寧
間徵拜舊官及以戶兵二部侍郎召皆不起遷洛
後被詔入朝陽爲野耄狀巧歸梁召爲禮部尚書
不應哀宗被絃不憚數日卒圖少有俊才晚年遭
亂避世多詭激嘯傲之辭有一鳴集三十卷內詩
十卷唐宋志同冕公武云以濯纓
今存詩五卷
本
云圖王官谷有先世別墅泉石林亭頗愜幽趣日
與名僧高士遊詠其中自號知非子耐辱居士諱
爲壽曠引客坐其中賦詩酌酒樂御客或難之笑
曰君何不廣生池一致吾嘗遊此中哉布衣楊
秋歲時村社享祭圖詩云沈宋始興之棧傑出
同席無數色圖會論詩云沈宋始興之棧傑出
於江寧宏肆於李杜布丞蘇州趙味澄夏清流
之貴達大曆十數公抑又其次元白助而氣屏
都市豪估耳劉夢得楊巨源亦各有勝會圖仙無
可對得仁華時得佳致亦足勝餘暇後所聞遠
後矣經月劫作者之肝脾亦當吾言之無作也
又云詩賈六義諷諭抑揚浮蓋溫雅皆在其間惟
近而不浮遠而不盡然於春早則有草嫩侵
沙長水輕香雨消又人家寒食月花影午時天又
雨微松涼夏殘人又川明紅照雨樹密鳥衝人得
生爭松涼夏殘人又川明紅照雨樹密鳥衝人得
於江南則有戍鼓和潮暗船燈照島幽又過柳春
盡雨方響夜深船又夜短燈殘風和鶯聲重得
於塞下則有馬色經寒綠鵲失佳人又曉曉人海
則有騷騷思故事鸛鵒失佳人又曉曉人海

愚林林幽得於道官則有恭聲花院間幡影石燈
高得於夏景則有地涼清鶴夢林靜肅僧儀得於
佛寺則有松日明金碧若龜響不魚又解吟僧亦
俗愛舞鶴終早得於郊園則有暖景難聲美微風
曉影繁又遠成春早夢猶有金禽聲得於樂府則
有曉粧留拜月春睡更生香得於寂寥則有孤螢
出荒池落葉穿破屋得於懷遠則有客來當意慳
花發遇歌成離塵幾不壞于懷遠則有客來當意慳
讓訶也七言云逃難人多分路地放生鹿大出寒
林又得劍下如添健僕亡書又似飛猿弱又孤嶼
池痕春漲滿小欄花韻午晴初皆不拘於一聚又
管絕句詩本於諸極則有殷勤元日日歌午又明
萬化不知所以神而自神計敏決立同空闊傷
特思古退已避禍清音冷然如世
外道人所謂變而不失其正者

五言古詩

效陳拾遺子昂感遇三首

高燕飛何捷啄言恣群雛人豈玩其暴華軒容爾
居強欺自天稟剛吐信吾徒乃知不平者矯世道
終孤

陽和含煦潤卉木競紛華當爲衆所悅私已汝何
誇北里秘襪豔東園鑽名花豪奪乃常理笑君徒
咄嗟

醜婦競簪花花多映愈醜鄰女恃其姿綴之不盈
手量已苟自松招損乃誰咎龍祿既非安於吾竟
何有

感時

好鳥無惡聲仁獸肯狂噬寧教鸚鵡啞不遭麒麟
吹人人語與默唯觀利與勢受毀亦自遭掩謗終
失計

自誠

我祖錦座右嘉謀詒厥孫勤此苟不怠令名日可
存嫌街士所耻慈儉道所尊松栢豈不茂桃李亦
自繁衆人皆察察而我獨昏昏取訓於老氏大辯
欲訥言

秋思

身病時亦危逢秋多慟哭風波一搖蕩天地幾翻
覆孤螢出荒池落葉穿破屋勢利長草草何人訪
幽獨

華下

日炙早雲裂迸爲千道血天地沸一蘊竟自烹妖
孽堯湯過災數災數還中輟何事奸與邪古來難
撲滅

七言古詩

短歌行

烏飛飛兔蹶蹶朝來暮去催時節女媧只解補青
天不解煎膠粘日月

耐辱居士歌

國嘗擬白樂天詩今傳爲休休亭記曰司空氏顧諟溪之休休亭本濯纓亭爲陳軍所焚後葺於壞垣之中乃更名之休休也美也既休而美存焉少而墮長而率老而正非濟世之用量才一宜休也猶分二宜休也毫而贖三宜休也今雖退爲隱人所嫉宜以耐辱自警庶復終始與清節醇乎第其品級于千載下北轍將天復癸亥六十有七疾亦樂天作傳之

咄諾休休休莫莫莫伎兩雖多性靈惡賴是長教
閑處着休休休莫莫一局棋一爐藥天意時情
可料度白日偏催快活人黃金難買堪騎鶴若曰
爾何能答言耐辱莫

馮燕歌

沈下賢馮燕傳云燕觀人少以意氣殺不平遂匿亡潛時相國賈公純在滑能燕才留軍中他日行里中見戶傍婦人色甚冶使人熱其意遂室焉其夫滑將張嬰也會嬰從其類飲燕伺間偃寢中拒戶嬰還妻開戶納嬰以毒蔽燕燕早奔步就觀且順燕指巾令其妻取妻取刀授燕燕然視斷其妻頸持巾去明旦妻起見妻成慘然嬰鄰以爲嬰殺之縛以告其妻黨共持白不能言收繫強伏其辜將就市看者圍向千餘人有一人排看者呼曰無令不辜歟者吾竊其妻而又殺之當繫我吏執之乃燕也與見賈公以狀聞請歸其印以贖燕死上義之下沈下賢作注文苑英華麗情集以此歌爲沈下賢作注文苑英華者誤燕之下賢有其傳未嘗作歌也集可考

魏中義士有馮燕遊俠幽并最少年避讐偶作滑
臺客嘶風躍馬來翩翩此時恰遇鷺花月堤上軒
車畫不絕兩面高樓語笑聲指點行人情暗結擲
果潘郎誰不慕朱門別見紅粧露故故推門掩不
開似教歐軋傳言語馮生敲鐙袖籠鞭半拂垂楊
半惹煙樹問春鳥知人意的的心期暗與傳傳道

張嬰偏嗜酒從此香閣爲我有梁間客鷺正相欺
屋上鳴鳩空自關晏歸醉卧非警汝豈知負過人

懷懼燕依戶扇欲潛逃巾在枕傍指令取誰言狠
戾心能忍待我情深情不隱回身本謂取巾難倒

柄方知授霜刃馮君撫劍卽遲疑自顧平生心不
欺爾能負彼必相負假手他人復在誰窻間紅艷

猶可拘執視花鈿情不足唯將大義斷習襟粉頸
初迴如切玉鳳凰釵碎各分飛怨魄嬌魂何處追

集作凌波如喚遊金谷羞彼柳榆淚滿衣新人藏
匿舊人起白晝喧呼駭鄰里誣執張嬰不自明貴

免生前遭考捶官將赴市擁紅塵掉臂人來擗看
人傳聲莫道有冤濫盜殺嬰家卽我身初聞像吏

翻疑歎呵叱風狂詞不變縲囚解縛猶自疑疑是
夢中方一作脫免未成勸君莫浪言臨危不顧始

知難已爲不公平能割愛更將身命救深冤白馬賢
侯賈相公長懸金帛募才雄拜章請贖馮燕罪千
古三河激義風黃河東注無時歇注盡波瀾名不
滅爲感詞人沈下賢長歌更與分明說此君精爽
知猶在長與人間留爛誠鑄作金燕香作堆焚香
酬酒聽歌來

五言律詩

早春

傷懷同客處病眼卽花朝草嫩侵沙長水輕著雨
銷風光知可愛容髮不相饒早晚丹丘伴飛書肯
見招

塞上

萬里隋城在隋大業三年築長城三邊虜氣衰沙填孤障角
燒斷故關碑馬色經寒慘鵬聲帶晚悲本集作將軍
正閒暇留客換歌辭

江行二首

地闊分吳塞楓高映楚天一作曲塘春盡雨方響
夜深船行紀添新夢羈愁甚往年何時京洛路馬
上見人煙

初程風信好迴望失津樓日帶潮聲晚煙含楚色

秋戎旗當遠客島樹轉驚鳴此去非名利孤帆任白頭

下方二首

三十年來往中間京洛塵倦行今白首歸卧已清

神疲暖冬生一作抽筍松涼夏健人更慚微詔起避

世迹非真按舊史果賊亂圖還河中王微表為副使不起召為知制誥乃起此詩豈赴召

和作

昏旦松軒下怡然封一瓢雨微吟足思花落夢無

慘細事當基遣衰容喜鏡饒溪僧有深趣書至又

相邀

月下留丹竈有序

許題五字乃真仙之詞也邵陽某縣人或聞其

山實異壽壽積於果有陷空而予者步筆附錄

久之乃罷去既而熟讀此文則字皆隱起成刻

矣某年中廉帥上閣且命饒其逸跡藏於郡廟

其後為刺史李帥所得今傳於君孫豈精契之

所感致耶光啓三年秋八月既望愚獲觀于王

官別業境跡雖顯奇道必體正故為物格之所

知挾邪倭以冒進者亦當臚擯自廢豈俟國典

敬且期自警訓妖之說應哉綴之全篇以志誠

水司空氏記

月下留丹竈壇邊樹羽衣異香人不覺殘夜鶴分

飛朝會初元盛蓬瀛舊侶稀瑞函真跡在妖魅敢

揚威

次韻和秀上人遊南五臺

中峰曾到處題記沒蒼苔振錫傳深谷翻經想舊

臺危松臨砌偃驚鹿慕溪來內殿評詩切師以文章應制

身迴心未迴

贈李員外

危橋轉溪路經兩石叢荒幽瀑下仙果孤巢懸夕

陽病辭青瑣秘心在紫芝房更喜諧招隱詩家有

望郎

長安贈王云

正下搜賢詔多君獨避名客來當意懷花發遇歌

成樂地留高趣權門讓後生東風閒小駟園外好

同行

僧舍貽友人

笑破人間事吾徒莫自欺解吟僧亦俗愛舞鶴終

卑竹上題幽夢溪邊約敵基舊山歸有阻不是故

遲遲

贈信美寺岑上人

巡禮諸方遍湘南頗有緣焚香老山寺乞食向江

船紗碧籠名畫燈寒照淨禪我來能永日蓮漏滴

寒泉一作塔前

贈圓昉公昉蜀僧僖宗幸蜀昉堅免紫衣

天階讓紫衣冷格鶴猶卑道勝嫌名出身間覺老
遲晚香延宿火寒磬度高枝每說長松寺他年與
我期

寄考功王員外

喜聞三字耗閒客是陪遊白鳥閒疎索青山日滯
留琴如高韻稱詩愧逸才酬更勉匡君志論思在
獻謀

寄鄭仁規

清才鄭小戎標的貴遊中萬里雲無侶三山鶴不
籠香和丹地暖晚着綠衣風榮路期經濟唯應在
至公

寄永嘉崔道融

旅寓雖難定乘閒是勝遊碧雲蕭寺霽紅樹謝村
秋成誠和潮暗船燈照島幽詩家多滯此風景似
相留

寄懷元秀上人

悠悠千祿利草草廢漁樵身世堪惆悵風驪頓作一
兩寂寥高秋期步野積雨放趨朝得句如相憶莎
齋且見招

上陌梯寺懷舊僧二首

雲根禪客居皆說舊吾廬松日明金像山風一作
響木魚依棲應不阻名利本未疎縱有人相問林
間懶拆書

高楊隔谷見路轉寺西門塔影蔭泉脉山苗侵燒
痕鍾疎舍杳霽閣迢亘黃昏更待他僧到長如前
信存

華下送文消

郊居謝名利何事最相親漸與論詩久皆知得句
新川明虹照雨樹密鳥衝人應念從今去還來微
下頻

七言律詩

五十

閒身事少只題詩五十今來覺陡衰清秋偶叨非
養望丹方頻試更堪疑鬢強染三分折絃管遙
聽一半悲澆酒有巾無黍釀負他黃菊滿東籬

陳疾

自憐旅舍亦酣歌世路無機奈爾何霄漢碧來心
不動髣髴毛白盡興猶多殘陽暫照鄉關近遠鳥因
投嶽廟過聞得此身歸未得聲聲深夏隔煙蘿

爭名

爭名豈在更搜奇，不朽纔消一句詩。窮辱未甘英氣阻，平疎還有正人知。荷香池露侵衣潤，松影和風傍枕移。只此其棲處，外境無妨亦戀好文時。

退栖

宦遊蕭索爲無能，務仕中條最上層。得劔乍如添健僕，亡書久似憶良朋。燕昭不是空憐馬，支遁何妨亦愛鷹。自致此身繩檢外，肯教世路日競競。

新歲對寫真

得見明時下壽身，須甘歲酒更移巡。生情暗隔千重恨，寒勢常欺一半春。文武輕銷丹竈火，市朝偏貴黑頭人。自傷衰颯慵開鏡，擬與兒童別寫真。

華下

簪冠新帶步池塘，逸韻偏宜夏景長。扶起綠荷承早露，驚迴白鳥入殘陽。久無書去干時貴，時有僧來自故鄉。不用名山訪真訣，退休便是養生方。

漸川二首

華下支離已隔河，又來此地避干戈。山田漸廣猿頻到，村舍新添燕亦多。丹桂石壇宜並長，秦雲楚雨暗相和。兒童栗熟連新運，歸去仍隨牧豎歌。

西北鄉關近帝京，煙塵一片正傷情。愁看地色連空色，靜聽歌聲似哭聲。紅蓼遮村人不見，青山繞檻路難平。從教煙棹更南去，休向津頭問去程。

書懷

病來猶強引雛行，力上東原欲試耕。幾處馬嘶春麥長，一川人喜雪峰晴。閒知有味心難肯，道貴謀安迹易平。陶令若能兼不飲，無絃琴亦是沽名。

丁未歲歸王官谷有作

家山牢落戰塵西，疋馬偷歸路已迷。家上卷旗人簇立，花邊移寨鳥驚啼。本來薄俗輕文字，却致中原動鼓鼙。時一作取一壺閒日月，長歌深入武陵溪。

歸王官谷年作一作光啓四年戊申

亂後燒殘滿架書，峯前猶自戀吾廬。忘機漸喜逢人少，覽鏡空憐待鶴疎。孤嶼池痕春漲滿，小欄花韻午晴初。酣歌自適逃名久，不必門多長者車。

丁巳重陽

重陽未到已登臨，探得黃花且獨斟。客舍喜逢連日雨，家鄉似響隔河砧。亂來已失耕桑計，病後休

論濟活心自賀逢時能自棄歸鞭唯拍馬羈吟

重陽山居

詩人自古恨難窮暮節登臨且喜同四望交親

四座賓朋兵亂後一川風物笛聲中菊殘深處迴幽蝶

陂動晴光下早鴻明日更期來此醉不堪寂寞對

衰翁

山中

全家與我戀孤岑踞得蒼苔一徑深逃難人多分

隙地放生鹿大出寒林名應不朽輕仙骨理到忘

機近佛心昨夜前溪驟雷雨晚晴獨步數峰吟

喜王駕小僮重陽相訪

白菊初開卧內明聞君相訪病身輕樽前且撥傷

心事谿上還隨覓句行幽鷺傍人疑舊識殘蟬向

日噪新晴擬將寂寞同留住且勸康時立大名

卷終

戊籤七十四司空圖之二 唐音統籤卷七百五

五言絕句

古樂府

一葉隨西風君行亦向東知妾飛書意無勞待早

鴻

樂府

寶馬跋塵光雙馳照路傍喧傳報戚里明日幸長

楊

早朝

白日新年好青春上國多街平雙闕近塵起五雲

和

卽事二首

茶爽添詩句天清瑩道心只留鶴一隻此外是空

林

御禮徵奇策人心注盛時從來留振帶只待濟臨

危

卽事九首

宿雨川原霽憑高景物新陂痕侵牧馬雲影帶耕

人

十年深隱地一雨太平心匣澁休看劍窓明復上

琴

明時那棄置多病自遲留疎磬和吟斷殘燈照卧

幽

衰髮閒生少丹梯望覺危松須依石長鶴不傍人

早

落葉頻驚鹿連峰欲映鵬此生詩病苦此病更蕭

條

旅思又驚夏庭前長小松遠峰生瑞氣殘月歛衰

容

林鳥頻窺靜家人亦笑慵舊居留穩枕歸卧聽秋

鐘

華宇知難保曉來又却修只應巢燕惜未必主人

留

幽鳥穿籬去鄰翁采藥回雲從潭底出花向佛前

開

漫書二首

剩欲逢花折須判目雨頻晴明開漸少莫怕濕新

巾

小蝶爾何競追飛不憚勞遠教群雀見寧悟禍梯

高

偶書五首

衰謝當何憾惟應悔壯圖磬聲花外遠人影塔前

孤

色變鶯雛長竿齊箴箠垂白頭身偶在清夏景還

移

蜀妓輕成妙吳娃狎共纖晚妝留拜月卷上水精

簾

獨步荒郊暮沈思遠墅幽平生多少事彈指一時

休

掩誘知迎吠欺心見強顏有人易困無契債難

還

漫題三首

亂後他卿節燒殘故國春自憐垂白首猶伴踏青

人

齒落傷情久心驚健忘頻蠲盧經歲客錢市異鄉

人

率怕人言謹閑宜酒韻高山林若無慮名利不難

逃

退居漫題七首

花缺傷難綴鶯喧奈細聽惜春春已晚珍重草青

青

堤柳自綿綿幽人無恨牽只憂詩病發莫寄校書

箋

燕語曾來客花催欲別人莫愁春又過看看又新

春

身外都無事山中久避喧破巢看乳燕留果待啼

猿

詩家通籍美工部與司勳高價雖難敵微官偶勝

君

努力省前非人生上壽稀青雲無直道暗室有危

機

燕拙營巢苦魚貪觸網驚豈緣身外事亦似我勞

形

偶題

水榭花繁處春晴日午前鳥窺臨檻鏡馬過隔牆

鞭

雜題

孤枕聞鶯起幽懷獨悄然地融春力潤花泛曉光

鮮

雜題九首

病來勝未病名縛便忘名今日甘爲客當時注慾

征圖集有注慾征賦

暑濕深山雨荒居破屋燈此生無憾處此去作高

僧

不須頻悵望且喜脫喧囂亦有終焉意陂南看稻

苗

樓帶猿吟迴庭容鶴舞寬曬書因閱畫封藥偶和

丹

宴罷論詩久亭高拜表頻岸香番舶月洲色海煙

春

驛步隄繁閣軍城鼓振橋鴈和湖鴈下雪隔嶺梅

飄

帶雪南山道和鐘北關明太平當共賀開化喝來

聲

舴艋猿偷上蜻蜒燕競飛樵香燒桂子苔濕挂莎

衣

溪漲漁家近煙收鳥道高松花飄可惜睡裏灑離

騷

有感

燈影看鬚黑牆陰惜草青歲闌悲物我同是冒霜

螢

避亂

亂離身偶在，羸跡任浮沉。
虎暴荒居迥，螢孤黑夜深。

亂後

羽書傳棧道，風火隔鄉關。
病眼那堪泣，傷心不到閑。

亂後三首

喪亂家難保，艱虞病懶醫。
空將憂國淚，猶擬酒丹墀。

流芳能幾日，惆悵又聞蟬。
行在多新貴，幽棲獨長年。

世事嘗艱險，僧居慣寂寥。
美香聞夜合，清景見寅朝。

元日

甲子今重數，生涯只自憐。
殷勤元日日，欹午又明年。

春中

伏溜侵階潤，繁花隔竹香。
嬌鶯方曉曉，無事過南塘。

中秋

閒吟秋景外，萬事覺悠悠。
此夜若無月，一年虛過秋。

秋景

景物皆難駐，傷春復怨秋。
旋書紅葉落，擬盡碧雲收。

重陽

菊開猶阻雨，蝶意切於人。
亦應知暮節，不比惜殘春。

永夜

永夜疑無日，危時只賴山。
曠懷休戚外，孤跡是非間。

歲盡二首

明日添一歲，端憂奈爾何。
衝寒出洞口，猶校夕陽多。

莫話傷心事，投春滿髻霜。
殷勤共尊酒，今歲只殘陽。

獨坐

幽徑入桑麻，陂西逢一家。
編籬新帶爾，補屋草和花。

獨望

綠樹連村暗黃花入麥稀遠陂春早濛猶有水禽

飛東坡云圖詩得味外味
如綠樹一聯最善

閑步

幾處白煙斷一川紅樹時壞橋侵轍水殘照背村

碑

休休亭

且喜安能保那堪病更憂可憐藜杖者真個種瓜

侯

借居

借住郊園久仍逢夏景新綠苔行屐穩黃鳥傍窓

頻

春山

可是武陵溪春芳着處蓮花明催曙早雲嵐惹空

低

河上二首

慘慘日將暮驅羸獨到莊沙痕傍墟落風色入牛

羊

新犇田園處夕陽禾黍明沙村平見水深巷有鷗

聲

長亭

梅雨和鄉淚終年共酒衣殷勤華表鶴羨爾亦曾

歸

秦關

形勝今雖在荒涼恨不窮虎狼秦國破狐兔漢陵

空

渡江

秋江共僧渡鄉淚滴船回一夜吳船夢家書立馬

開

松滋渡二首

步上短亭久看回官渡船江鄉宜晚霽楚老語豐

年

楚岫積鄉思茫茫歸路迷更堪斑竹驛初聽鷓鴣

啼

牛頭寺

終南最佳處禪誦出青霄群木澄幽寂疎煙汎沔

寥

華清宮

帝業山河固離宮宴幸頻豈知驅戰馬只是太平

人

感時上盧相

兵待皇威振人隨國步安萬方休望幸封岳始鳴

鑾

亂前上盧相

虜黠雖多變兵驕卽易乘猶須勞斥候勿遣大河

冰

牡丹

得地牡丹盛曉添龍麝香主人猶自惜錦幕護春

霜

村西杏花二首

薄膩力偏羸看看慘別時東風狂不惜西子病難

醫

肌細分紅脉香濃破紫苞無因留得畀爭恐折來

拋

上元日放二雉

嬰網雖皆困寒籠喜共歸無心期爾報相見莫驚

飛

卷終

戊籤七十四司空圖之三 唐音統籤卷七百六

七言絕句一

樂府

五更窓下簇妝臺已怕堂前阿母催滿鴨香薰鸚鵡
睡隔簾鐙照牡丹開

楊柳枝壽孟詞十八首

樂府翻來占太平風光無處不言情千門萬戶喧
歌吹富貴人間只此聲

慙晚梳空不自持與君同折上樓時春風還有常
情處繫得人心免別離

灞亭東去微隋堤贈別何須醉似泥萬里往來無
一事便帆輕拂亂鶯啼

臺城細仗曉初移詔賜千官袂飲時綠帳遠籠清
珮響更曛晴日上龍旗

桃源仙子不須謬聞道惟栽一片花何似浣紗溪
畔住綠陰相間兩三家

偶然樓上捲珠簾往往長條拂枕函恰值小娥初
學舞擬偷金縷押春衫

池邊影動散鴛鴦更引微風亂繡牀直待玉窓塵
不起始應金鴈得成行

稻畦分影向江村，憔悴經霜只半存。昨日流鶯今
不見，亂螢飛出照黃昏。

客淚休沾漢水濱，舞腰羞殺漢宮人。在風更與回
煙蒂，掃盡繁花獨占春。

遊人莫歎易凋衰，長樂榮枯自有期。看取明年春
意動，更於何處最先知。

昔年行樂及芳時，一上丹梯桂一枝。笑問江頭醉
公子，饒君滿把麴塵絲。

渡頭殘照一行新，獨自依依向北人。莫恨程鄉千
里遠，眼中從此故鄉春。

絮惹輕枝雪未飄，小溪煙束帶危橋。鄰家女伴頻
攀折，不覺回身冒翠顛。

處處繁空百萬枝，一枝枝好更題詩。隔城遠岫招
行客，便與朱樓當酒旗。

錦城分得映金溝，兩岸年年引勝遊。若似松篁須
帶雪，人間何處認風流。

日暖津頭絮已飛，看看還是送春歸。莫言萬緒牽
愁思，緝取長繩繫落暉。

大堤時節近清明，霞襯煙籠遶郡城。好是梨花相
映處，更勝松雪日初晴。

聖主千年樂未央，御溝金翠滿垂楊。年年織作景
平字，高映南山獻壽觴。

楊柳枝二首

陶家五柳簇衡門，還有高情愛此君。何處更添詩
境好，新蟬欹枕每先聞。

數枝珍重蘸滄浪，無限塵心暫免忙。煩暑若和煙
露裊，便同佛手灑清凉。

浪淘沙

不必長漂玉洞花，曲中偏愛浪淘沙。黃河却勝天
河水，萬里繁紆入漢家。

長命綵

他鄉處處堪悲事，殘照依依惜別天。此去知名長
命綵，殷勤爲我唱花前。

步虛詞

阿母親教學步虛，三元長遣下蓬壺。雲韶韻俗停
瑤瑟，鸞鶴飛低拂寶鑪。

遊仙二首

蛾眉新畫覺嬋娟，闕走將花阿母邊。仙曲教成慵
不理，玉階相簇打金錢。

劉郎相約事難諧，雨散雲飛自此乖。月姊殷勤留

不住碧空遺下水精釵

寓筆

年年鑷髻到花飄依舊花繁髻易凋撩亂一場人
更恨春風誰道勝輕颺

偶作

索得身歸未保閒亂來道在辱來頑留侯萬戶雖
無分病骨應消一片山

漫題

經亂年年厭別離歌聲喜似太平時詞臣更有中
興頌磨取連峰便作碑

漫題

無宦無名拘逸興有歌有酒任他鄉看看萬里休
征戍莫向新詞寄斷腸

率題

官路前街閒不記醉鄉佳境興方濃一林高竹長
遮日四壁寒山更闌冬

漫書

樂退安貧知是分成家報國亦何慚到還僧院心
期在瑟瑟澄鮮百丈潭

偶題三首

浮世悠悠旋一空多情偏解挫英雄風光只在歌
聲裏不必樓前萬樹紅

小池隨事有風荷燒酎傾壺一曲歌欲待秋塘擘
露看自憐生意已無多

遼陽音信近來稀縱有虛傳逼節歸永日無人新
睡覺小窓暗暖蛩蟲飛

雜題二首

碁局長携上釣船殺中碁殺勝絲牽洪鑪任鑄千
鈞鼎只在礪溪一縷懸

曉鏡高窓氣象深自憐清格笑塵心世間不爲蛾
眉悞海上方應鶴背吟

雜題二首

先知左袒始同行須待龍樓羽翼成若使只憑三
傑力猶應漢鼎一毫輕

魚在枯池鳥在林四時無奈雪霜侵若教激勸由
真宰亦獎青松徑寸心

狂題二首

草堂舊隱猶招我煙閣英才不見君惆悵故山歸
未得酒狂叫斷暮天雲

須知世亂身難保莫喜天晴菊併開長短此身長

是客黃花更助白頭催

漫書五首

長擬求閒未得閒又勞行役出秦關逢人漸覺鄉音異却恨鶯聲似故山

溪邊隨事有桑麻盡日山程十數家莫怪行人頻悵望杜鵑不是故鄉花

海上昔聞麋愛鶴山中今見鹿憎龜愛憎止竟須關分莫把微才望所知

世路快心無好事恩門嘉話合書紳神藏鬼伏能千變亦勝忘機避要津

四翁識勢保安閒須爲生靈暫出山一種老人能笑度磻溪心跡愧商顏

偶書五首

情知了得未如僧客處高樓莫強登鶯也解啼花也發不關心事最堪憎

自有池荷作扇搖不關風動愛芭蕉只憐直上抽紅藥似我丹心向本朝

曾看輕舟渡遠津無風着岸不經旬只緣命蹇須知命却是人爭阻得人

上谷何曾解有情有情人自情君行證因池上今

生願的他生作化生

新店南原後夜程黃河風浪信難平渡頭楊柳知人意爲惹官船莫放行

偶詩五首

閑韻雖高不銜才偶拋猿鳥乍歸來夕陽照舊新紅葉似要題詩落硯臺

芙蓉騷客空留怨芳藥詩家只寄情誰似天才李山甫牡丹屬思亦縱橫

賢豪出處盡沈吟白日高懸只照心一掬信陵墳上土便如碣石累千金

聲貌由來固絕倫今朝共許占殘春當歌莫恠頻垂淚得地翻慚早失身

中省茶鼎沸時驚正是寒窓竹雪明甘得寂寥能到老一生成心地亦應平

狂題十八首

莫恨艱危日日多時情其奈侍門何鸞鴦睡穩蛟龍渴猶把殘燒朽鉄磨

別鶴淒涼指法存戴逵能耻近王門世間第一風流事借得王公玉枕痕

交疎自古戒言深肝膽徒傾致錄金不是史遷書